

1613_087.jpg

Seconde Continuation.

87

tié du dehors qui est vers le Midy, est la première porte. La 2. est en la face de dedans tournée au Couchant. La troisieme tour est pareillement moitié dedans, & moitié dehors du mesme costé, quelques deux cents pas loing de la seconde: entre l'une & l'autre est vne des moyennes assise au dehors. La 4. est à la cime & pointe susdite, & faict l'encogneure, & est toute dedans. A la descente de la montagne vers le Ponant, sont les deux autres demies tours esgalement distantes de la cinquiesme, qui est moitié dedans, & moitié dehors, & opposée directement à celle de la porte. Il y a cinq petits degrez pour monter sur la muraille. Les quatre sont de pierre dans la grand place, & le 5. est de bois dans la Retraicte.

En ceste place estoient plus de trois cents Turcs, tous hommes de combat. Il y auoit abondance de viures, & de toutes munitions de guerre, & plusieurs pieces de grosse artillerie. Hors la place, enuiron cent cheuaux se pourmenoiēt çà & là: & dans le port estoient les deux Galeres, vn Carramussal & vn Brigantin Grec, avec quelque cent cinquante hommes de combat. Ils auoient retiré dans la forteresse tous les gens de rame.

Voicy l'ordre qui fut tenu & gardé en l'entreprise executée de petarder & escalader ceste forteresse. Tous les gens de guerre qui estoient descendus en terre furent partis en quatre troupes.


La premiere composée des compagnies de la

f. iij

*Quels gens
de guerre &
munitions
estoient dans
Agliman.*

*Ordre tenu
pour assaillir
Agliman.*

1613_088.jpg




1613_089.jpg

Seconde Continuation. 89

quetades de ceux de la ville pardeuant, de ceux des galeres par le derriere, & de ceux de la montagne en flanc, & avec tant de cris & de hurlements des Turcs, que beaucoup des siens s'en estoient, & particulièrement les mariniers qui portans les petards, les laisserent tomber pour prendre la fuite: Mais aussi-tost ils furent releuez par le Baron de Momberault, & le Tiel qui l'accompagnoit. Estans à quinze pas pres d'Agliman, le Comte rencontra dix huit ou vingt Turcs qui en sortoiēt, lesquels il chargea, & mist soudain en fuite: or au lieu de les poursuiure il tourna à la porte, & y donna la teste baissée, pensant la trouuer encore ouverte, mais les Turcs auoient fait diligence de la fermer. C'est pourquoy il luy fallut se seruir du petard qu'il commanda qu'on appliquast, lequel fut bien tost prest, mais non pas sans la mort & blessure de plusieurs, entre lesquels Dom Pierre de Medicis qui auoit fait l'honneur audit Comte de Candale de vouloir estre de la troupe, fut accablé de tant de coups de pierres qu'il tomba demy mort. Cependant que lon se preparoit pour poser le petard, le Sergeant Major vint crier au Comte de Candale que tout estoit perdu, & qu'un gros de trois cents Mousquetaires venoit fondre sur luy. C'estoient les deux Beys qui estoient sortis des Galeres par la mauuaise garde des compagnies que Montauero auoit laissées pour leur faire teste, & empescher la descente. Si bien que le Comte fut forcé de prédre vne partie des siens

1613_090.jpg



1613_091.jpg


Seconde Continuation.

91


l'eschelle du costé du midy s'estant rompuë avec quelque dommage de ceux qui estoient dessus, tous coururent au secours de l'autre eschelle qui estoit du costé du couchant, où la moitié de la Cauallerie Turquesque auoit donné, & les chargeoit à dos fort rudement : Mais ce secours opportunément arriué, ils rompirent ceste Cauallerie Turquesque & en prirent la cornette: puis ayant dressé les eschelles ils monterent sur la muraille, où ils se partirent en deux pour donner de l'un & de l'autre costé; & s'ouvrans viuement par les armes ce chemin estroit, ils s'en allerent droict aux tours, où se donnerent de furieux assaults.

Pour l'esquadre des Cheualiers, & la compagnie de S. Marie Magdelaine, que cōduisoit le Commissaire Lenzony, ayāt eu plus long chemin & plus difficile à faire, que la 1. & 3. troupe, ils n'arriuerent vers la Tour d'en haut d'Agli-man qu'apres que les petards eurent ioüé: au bruiet desquels la plus part des Turcs s'y estans retirez, les Cheualiers y trouuerent vne merueilleuse resistance, & par derriere furent rudement chocquez de la caualerie, & de l'infanterie Turquesque accouruë des Galleres. Par trois fois Lenzony fit dresser l'eschelle contre la muraille, & iamais il ne fut possible de la faire tenir. Ainsi ayant fait tout ce qu'un homme de bien pouuoit faire avec tous ses braues Cheualiers, voyant qu'il ne pouuoit rien aduancer, il resolut de s'en departir, & aller rejoindre le Comte de Candale, où il pourroit estre plus


1613_092.jpg




1613_093.jpg




1613_094.jpg



1613_095.jpg



1613_096.jpg



96 M. D. C. XIII.

passer tout le Milanois, & les pays que tient
l'Espagnol en Lombardie, & y auoit vne grãde
apparence que le Duc de Sauoye viendroït à
bout de son entreprise: Mais Dieu en auoit di-
sposé autrement.

*La Maison
des Vrsins,
& ses al-
liances.*

La maison des Vrsins en Italie a esté affectiõ-
nee de tout temps la Couronne de Frãce, aussi
est-elle alliee en France avec les plus grandes
Maisons. Le feu Roy Henry le Grand enuoya le
Collier de ses Ordres au Duc Alexãdre Sforce,
marié à Isabelle des Vrsins: Et la Royne Regẽte
sa veufue, ayant faict espouser au Duc de Mont-
morency Admiral de France, la fille du Duc de
Braciano Chef de la Maison des Vrsins, voulut
en ceste annee que Mademoiselle Catherine de
Lorraine fille du feu Duc de Mayenne, sœur du
Duc de Mayenne, & belle sœur du Duc de

*Le Comte de
Sancta Fiore
espouse Ma-
demoiselle de
Mayenne.*

Neuers, espousast Mario Comte de Sancta Fio-
re fils aîné dudit Duc Sforce.

Le Duc de Neuers prit la charge de la condui-
re iusques à Florence, où les nopces se deuoient
faire. Mais embarquez à Marseille, & ayans
pour se reposer du trauail de la mer pris terre à
Sauonne (port appartenant à la Seigneurie de
Genes) le Duc de Neuers, y apprit que le Duc
de Sauoye estoit clandestinement entré en ar-
mes dãs le Montferrat, & que Casal s'en alloit
perdu n'y ayant personne dedans pour com-
mander, n'y qui peust resister au Duc de Sa-
uoye.

Ce Duc, qui est de la Maison de Mantoüe,
& le plus proche parent du Duc apres son frere
D. Vinç

Se
D. Vincen
eulent au
commande
fut depuis
mariage le
mes de sa
fit prendre
en deux ie
Le Duc
iugea lors
son dessein
enuoya son
sœur que
merueilleu
plaine paix
Manifeste
mer.
Charles
noye, de Ch
Vicaire per
Prince de
Geneue, de
Baron de
Marquisat
de Coronat
Toutes
buiet aux
fans; & la
ris par elle
d'affection
qui avec p
elleuer?

Image issue du site mercurefrancois.ehess.fr - Cliché (c) Cécile Soudan